



## Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||  
Jesv Theologi.|| De || Christiani hominis || Perfectione In  
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

In Qvo Agitur Nominatim De Sacerdotibus, Confessarijs, Magistris siue  
Doctoribus, Concionatoribus, Episcopis & alijs Prælatiſ, eorumque  
Ministerijs - In ſeptem Tractatus distributus ...

**Puente, Luis de la**

**Coloniæ Agrippinæ, 1629**

V. Consideratio pro Feria V.

[urn:nbn:de:hbz:466:1-45750](https://nbn-resolving.org/urn:nbn:de:hbz:466:1-45750)

fructum ferre potest, nec in vllum vsum valet; nisi, vt missus in ignem ardeat. Ita igitur: si à Christo te separet, nullum proferes meritum fructum, sed eris ignis inferni fomentum. TERTIO denique perpende Sacerdotes esse Diuinæ huius vnionis instrumenta; ipsi enim, dum verba Consecrationis proferunt, vitem è cælo deducunt; eamque palmitibus coniungunt, cum sacram porrigunt Communionem. Quare si Communiones, manebis intimè cum tuo Salvatore vnitus, ipse enim dixit: *b Quæ manducat meam carnem, & bibit meum sanguinem, in me manet: & ego in eo & viuet propter me,* sicut palmes ex vite viuunt, quamdiu est illi coniunctus. O Saluator dulcissime, palmes tuus sum, tecum vnitus esse cupio, & ad id ad tuam præsentiam venio; satis sit, quòd tamdiu à te separatum manserim: inferre itaque me in te ipsum, qui es vitis mea: vt per te viuam non iam vitam meam, sed tuam: viuente te in me, & me in te in ætænum. Amen.

V. Consideratio pro Feria. V.

**E** G O S Y M V I A, *veritas & vita.* O veritas æterna, constitue me in recta via, qua perueniam ad te vitam meam. Cumque hæc tria habeam in hoc Diuino Sacramento existens, & offeraris in hoc sancto Sacrificio: doceas me, qua ratione ea præstes, vt possim eis frui. Ego enim Saluator sum V I A salutis, & perfectionis tuæ; & per me eundem tibi ad Patrem meum; per me illi placebis, eum placabis gratiamque in oculis inuenies. Ego sum via, per quam ad vitam peruenies æternam, & ad præmium promissum peregrinantibus per fidem in hoc mundo. Ego sum, per quam ad Sanctitatis culmen, & contemplationis montem ascenditur; per me obtinebis humilitatem, obedientiam, Patientiam, virtutum omnium perfectionem; remedium necessitatum tuarum corporalium, & spiritualium; & compos fies piorum tuorum desideriorum & abundantiam consequeris omnium bonorum temporalium & æternorum. Harum rerum quasdam obtinebis, cum hoc sacrificium offeres, alias sumendo me in hoc Sacramento. Attende, quòd ego sim viator peregrinantium: *b surge & comede: grandis enim tibi restat via, & in fortibus nec tibi huius peruenies vsque ad montem Dei Floreb; vbi arcana mea tibi fides Elie aperiam, & optatam pacem consequeris deuictis hostibus tuis.*

**A** T T E N D E etiam, quòd ego sim *veritas*, quam significabant omnia sacrificia, Sacramenta, & Cæremoniæ Legis Antiquæ; & in me inuenies veram sanctitatem, quam illa significabant, nec tamen largiebantur. Ego sum veritas in qua omnes veritates, quas firmiter credere debes, summariè continentur. Credens in me, omnia credis; hoc enim Sacramentum est per excellentiam mysterium Fidei; hic credis meam Diuinitatem, Omnipotentiam, & Maiestatem infinitam; processionem, qua prodeo à Patre

b Ioan 6.  
17.

Ioan.  
14.6.  
1

b 3 Reg.  
19.7.

2

meo; credis quoque incarnationem, Passionem, & mortem meam, eiusque fructus. Excita igitur fidem tuam, excipe me magna fide: & ipsa experientia agnosces veritatem Fidei. Sum etiam veritas infallibilis, quæ fallere neminem possum, nec prætermittere, quod promitto; in cuius rei pignus me ipsum colloco in hoc Sacramento, & sacrificio. Confidas in me, & nihil timeas: recipias me, & offer hanc oblationem: & certus esto, me facturum, quod dico; & redditurum, quod promitto. Sum denique veritas, cui conformari debent quicumque viuunt in veritate, sine fraude & fictione. Conformata & coapta opera tua meis; & non aberrabis in eis.

ATTENDE etiam, quod sum ipsamet VITA, sine qua quicquid est, mors est. Sum via spiritualis animæ tuæ; & ad hoc venio in Sacramento, ut qui me recipit, vitam habeat gratiæ, & vitam valde copiosam; sum vita corporis tui: quia ego sum resurrectio & vita. Et quamuis moriaris, resuscitabo te postea valde gloriosum; sum vita beata: & qui manducat me, viuet in æternum; quia habet in se vitam æternam: cum me habet, qui eam tuo tempore ei dabo, deducens eum ad correptandum mihi in regno Patris mei. Attende, quod ego sum vita, per quam tibi est viuendum; cui debes te conformare, & quam sequi oportet, dicendo cum Apostolo meo: *¶ Vno iam non ego: viuit verò in me Christus.* Denique, ego sum vita, quam omni studio querere debes in præmium omnium tuorum laborum. Nam æterna tua vita in eo consistit, ut me videas, & ames, & fruaris me. Recipe me cum viua fide: si enim ita me habes intra te, esque mecum vnitus: ego ero tibi *via, veritas & vita.* O bone Iesu, cum hoc desiderio accedo, ut te recipiam: esto quæso mihi *via*, ut nunquam impingam; esto mihi *veritas*, ne vnquam aberrem; esto mihi *vita*, ne vnquam moriar; sed tecum viuam ac regnem in æternum, Amen.

VI. Consideratio pro Feria VI.

QVAMDIU SUM in hoc mundo lux sum mundi. Hoc dicit Saluator dñm cæco illi à natiuitate voluit visum restituere, quod fecit, *exprensus in terram, & faciens lutum ex sputo, & liniens lutum super oculos eius.* Quo facto (ut ait S. Augustinus) significare voluit vnionem Personæ Verbi diuini, significati per sputum ex ore procedens; cum natura humana, significata per terram, ex qua est formata. In cuius vnitionis virtute datur lux spiritualis cæcis: ac propterea Christus Dominus noster dicitur *lux mundi*: & idem officium præstat in hoc Sacramento, in quo ipsummet Verbum Incarnatum coniungitur cum accidentibus terrenæ substantiæ ut lucem conferat ipsum recipientibus. Tu autem anima mea, fidei oculis, quos hic Dominus tibi dedit, iustra omnia loca, in quibus ipse fuit, vel est; & inuenies semper fuisse, & esse lucem eorum. Quando factus est homo in mundo, cæpit esse lux mundi; in cuius signum, cum natus esset in Bethle-

Galat. 2.  
10.

Joan. 9. 1.  
Et c. 8. 12.